

Luven Flond Pitasch Duin

cuminonza da pastoražiun

Pastorationsgemeinschaft

cun Lumnezia Sursaissa Val Sogn Pieder

plevon

Albrecht Merkel

Pfarrer

Uffeci parochial evangelic

Reformiertes Pfarramt

Via Sumvitg 19

7141 Luven

081 925 34 26

albrecht.merkel@gr-ref.ch

www.pastoraziun.ch

Nr.19 R

fenadur 2019

Cars commembers dallas pleivs Luven, Flond, Pitasch e Duin!

Tgei ha Trump piars cheu? Ei vegniu dumandau Sonda vargada duront la fiasta Reuniun a Glion. Tut las fracziuns dalla vischnaunca Ilanz-Glion ein sepresentadas. Luven veva schizun transportau ina buora gigantesca dalla Panera sil plaz S. Margreta, quella ha surviu sco meisa da Bistro. Ina meisa che selai buca baluccar ni cupitgar. Entuorn la meisa gigantesca deva ei differents stans.

Igl ei vegniu vendiu nuot, denton divers schatgs ein vegni offeri. Nos schatgs dalla pleiv reformada ein stai, versets dalla bibla, natiralmein en dus lungatgs e creflis da Zwingli, fatgs cun ina fuorma da furar ora dalla baselgia da Turitg.

La siluetta renomada dil reformatur, la capetscha cun pala sil tgau che cuvieria las ureglias. Fuss la pasta stada stgira

presidenta Luven
Vrena Arpagaus
081 925 19 60

presidenta Flond
Meia Inauen
081 925 43 76

presidenta Pitasch
Rita Caviezel
076 445 70 71

president Duin
Philipp Candrian
081 931 36 18

e la capetscha strihada cun glasira alv-melna, vess jeu sez
forsa saviu tener el per Trump. Denton cun pasta clara e
glasira brina da tschugalata era ei clar ed absolutamein
Zwingli.

Ils artechels da Glion da 1526 ed il programm Refo500 ed la
fiasta Reuniun ein aunc adina presents a nus. Igl 1 da schaner
1519 ha Zwingli entschiet sia occupaziun sco plevon a Turitg.

Da quei vegn discurriu aunc suenter 500 onns. La nova
constituziun dalla baselgia grischuna ei entrada en vigur sin
quei datum da gronda muntada. 1 da schaner 2019. Da quella
vegn discurriu pauc ni nuot suenter 500 onns. Constituziuns
ein texts funcziunals ligiai a lur temps. La bibla ha in status pli
ault. La consideraziun che Zwingli deva alla bibla san ins leger
ord siu diever viviu dalla bibla.

Tals giubileums san ins buca sursigir, mo la veta va vinavon
suenter sco avon, sco il dumbrakilometers digl auto sche la
cefra 10'000 vegn. Il viadi va vinavon e tuttenina stat leu
10'003 ed il sentiment dad haver passentau in grondius
mument ceda alla temperatura da menaschi usitada, alla
normalitad.

Nus havein quels gis temperaturas maximalas, suenter ina
primavera ferdalaunca prendin nus ussa bugen la calira. Las
iuas Sogn Gion madiran. Ed ils plevons e plevonessas
sesemtgan per ir alla sinoda, la sentupada annuala.

En 18 onns sentaupan ils plevons grischuns dapi 500 onns per
la sinoda. Dapi 1537, adina la davosa dumengia el zercladur, e
naturalmein in per gis avon ed in suenter.

Naven dil tucchar il zenn dall'avertura festiva la gievgia tochen
l'uraziun da finiziun, canzun da finiziun, puspei in tucchar dil
zenn il gliendisgis – „La sinoda 2019 a Poschiavo ei serrada“ –
aschigitg ei il pli ault gremi spiritual dil Grischun stauss
presents. In uestg ord 100 plevons e plevonessas.

Cheusunter sesan las dunnas ed ils signurs tschienavel uestgs puspei en lurs pleivs. E denter quei emprem e davos tucrar dil zenn dat ei priedi e curriculum vitae da quels che s'annunzian per la recepziun, cussegliaziun dallas leschas ecclesiastics ella procedura da consultaziun, sesida dallas fracziuns gievgia sera, sesida a portas serradas il vendergis, sera da sulaz cul pievel (ei vegn saltau), la sonda proposiziun (in referat), priedi la dumengia. Svidar il guoter tenor basegns ni era buc, il gliendisgis.

Discuors denter collegas, la damaun, da miezgi e la sera. Sper las funcziuns statutaras ha la sinoda in effect da ligiar il cantun: In cantun che ha las auas che deflueschan en treis differentas mars – ella mar nera, l'aua dall'Engiadina, ella mar mediterranea l'aua dil Mesauc, dalla Bergaglia, dil Puschlav, ella Mar dil nord l'aua da Valrein, da Schons, dad Avers, dalla Surselva e dalla Purtenza.

Quei che sesparta ella natira sto vegnir teniu ensemen tras la syn-oda, la muntada dil plaid ei: la via che meina ensemen.

In viadi da nossas pleivs a Turitg ils 14 da settember 2019

Priedi da cuolm ecumen il 28 da fenadur allas 10.30

Sil Péz Mundaun – cun batten. Sutgera da cuolm sura naven dallas 9.30

Mesjamna ils 7 d'Uost 10.00 center Steinhauser a Cuort

Priedi reformau ella capluta dil center Steinhauser

Sonda ils 24 d'Uost 11.00

Luven – giun Bual avertura dalla fiasta da stad „plaz Panera-bun'atmosfera“ cun priedi ed accumpignament musical

Dumengia ils 1 da settember 10.15 uras a Duin priedi communabel

Puspei sentaupan nossas quater plievs da pastoraziun e la pleiv da Glion, quellaga a Duin. Vies plevon Albrecht Merkel

fenadur uost settember 2019

2019	Luven	Flond	Pitasch	Duin
7 da fenadur	negin	priedi		
14 da fenadur	19.00 plv. Jakob	09.30 plv. Jakob		
21 da fenadur	negin	priedi		
28 da fenadur	priedi da cuolm ecumen	10.30	Péz Mundaun	sutgera Cuolm sura 9.30
4 d'uost	09.30	10.30		19.00 culs confis da Frauenfeld
mesjamna 7 d'uost		10.00 Steinhauser		
vendergis 9 d'uost				20.00 confis da Frauenfeld
11 d'uost	10.30	09.30	19.00	
18 d'uost	09.30	10.30		
gliendisgis 19 d'uost		9.00 scola Cuort ec.		
Samstag 24 d'uost Sonntag 25. negin Priedi	11.00 Bual	Fiasta	Panera	avertura
1 da settember	Priedi com-	munabel	cun Glion a Duin:	10.15
8 da settember	09.30	10.30		
15 da settember	10.30	09.30		
22 da settember	19.00	09.30	11.00 batten	
29 da settember	negin	priedi		

substituts 4.7.-12.7 plvsa. Anja Felix 081 635 13 77
 13.7.-20.7. plv. Harald Schade 081 911 12 74
 20.7.-27.7 plv. Daniel Hanselmann 081 921 68 55